



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 888. Usque Ad Annum 1000

Fleury, Claude

August. Vind. [u.a.], 1761

VD18 90117921

§. 37. Joannis IX. obitus. Benedicti IV. Papa.

[urn:nbn:de:hbz:466:1-66313](https://nbn-resolving.org/urn:nbn:de:hbz:466:1-66313)

Sæculum X.
A. C. 901.
liorum Episcoporum Præpositus proclamatus, ut cum ipsis ad reformandam Disciplinam Ecclesiasticam, sub Dominatione Infidelium turbatam, omnes nervos contenderet. Statutum, ut eligerentur Archidiaconi, qui bis in anno Parochias & Monasteria visitarent; Archiepiscopus vero Ovetensis Episcopos in illis civitatibus, quæ olim Sedes Episcopales fuissent, qui idonei viderentur, ordinaret, & omnes ejus Suffraganei possiderent aliquas Ecclesias & agros in Provincia Asturicensi, utpote munitissima, & tuta, quo instante periculo se reciperent, & unde ad Concilia celebranda pergentes necessaria acciperent. Rex limites provinciæ Ecclesiasticæ Ovetensis definivit, & eidem Sedi complures ditiones adscripsit; quibus peractis Concilium decima octava Julii solutum est. Alphonfus III. cognomento Magnus, postquam regnasset annis quadraginta octo, anno nongentesimo decimo Æra nongentesima quadragesima octava decedens Garciam filium Successorem reliquit.

§. XXXVII.

*Joannis IX. obitus. Benedictus IV.
Papa.*

Papebr. Conat. Flod. vers. p. 606.

Joanne IX. Pontifice anno nongentesimo

mo fati functo, in S. Petri Cathedram ^{Sæculum X.}
 invecus est Benedictus IV. patria Roma- ^{A. C. 901.}
 nus, Mummoli filius, nobilissima profa-
 pia ortus, qui Sacram Sedem annis qua-
 tuor & dimidio tenuit, vir Magnus, pu-
 blicæ utilitatis unice studiosus & in e-
 genos largissimus.

Sub ipsa Pontificatus auspicia Legati
 advenerunt Argrimi Episcopi Lingonen-
 sis, tunc necdum restituti, eodem juben-
 te exponentes; post obitum Geilonis ^{Sup. n. 6.}
 unanimi consensu Clericorum & populi
 fuisse electum, a Metropolita suo Aure-
 liano Archiepiscopo Lugdunensi cum
 suis Suffraganeis, & Bernuino Archiepis-
 copo Viennensi consecratum, & in pos-
 sessionem Ecclesiæ Lingonensis immis-
 sum, quam annis duobus & tribus men-
 sibus rexisset. Postea Guidonis Impe-
 ratoris tempore a factiosis hominibus
 pulsum, confugisse ad Joannem Papam,
 cui tristem faciem indicasset Ecclesiæ
 suæ, in qua jam diu Sacrum Chrisma non
 fuisset consecratum, non confirmati in-
 fantes, nullum Episcopale Ministerium
 peractum. Quibus omnibus perceptis ^{Sup. n. 30.}
 Joannes Papa decrevisset, Argrimum suæ
 Sedi esse restituendum.

Benedictus Papa, cum inconsultis E-
 piscopis in hac causa pronunciare nollet,
 convocata in Palatio Lateranensi Syno-
 do, Argrimum in Sede Lingonensi con-
 firman-

Sæculum X.
A. C. 901. firmandum esse judicavit, jussitque scribi Epistolas duas, unam datam ad Episcopos Galliarum, Reges, Proceres, omnesque Fideles, in qua jus Pallii, jam ante a Formoso Papa ipsi concessi, ratum habet, alteram ad Clericos populumque Lingonensem. Utraque Epistola scripta est secundo Cal. Sept. Indictione tertia, seu vigesima nona Aug. anno nongentesimo, Benedicti Papæ primo, post obitum Lamberti Imperatoris secundo. Nimirum quia Papa Berengarium Imperatorem non agnoscebat, Imperium vacare existimabat. Attamen non diu post, & eodem anno nongentesimo Ludovicus Bosonis filius Rex Provinciæ in Italiam vocatus Imperator proclamari & coronari voluit. Argrimus vero post toleratas tot ærumnas, cum Ecclesiam Lingonensem usque ad annum nongentesimum undecimum in pace rexisset, abdicata Dignitate humile monachorum Institutum ad S. Benignum Divione amplexus est, ubi post decem annorum curricula mortem oppetiit.

Papebr.
conc. p. 152.
dissert 19.
Chr. S. Benig.
p. 424.

§. XXXVIII.

Regis Alfredi obitus.

Affer p. 112. In Anglia Rex Alfredus decedens, reliquit Rempublicam florentissimam. Ceterum pietas, quam ab ineunte ætate omnes in eo admirati sunt, totam ipsius vitam